

小倉山房文集

小倉山房文集卷十一

錢唐袁枚子才

沈研圃太守送行詩序

士大夫之賢在官見不如其去官見何也在官見賢違道干譽者優爲之去官見賢則味得于固而其真乃彰然官有不得不去者有可以去可以無去者不得不去者或遷或黜或以篤老辭人雖思其賢而明知其勢不能留則望絕若可以去可以無去者其過甚微其迹甚公其不當律令處亦甚小人未免思其賢而望其留及至竟去竟不能留而望之之心猶眷然其未絕絕與不絕送者心也與去者無與也雖然使其去官之故誠過

也。過雖微，其賢自在，原不必因其賢而爲之諱。若其所  
以去官之故，非過也，卽賢也，則不特其在官之時賢不  
可沒，去官之後賢不可忘，而卽其所以去官之故，亦當  
爲之白其賢於天下。今天誣告者加等越訴者咎此令  
甲也，憲以示民者，古人象魏之義，然越訴之憲宜於督  
於撫於監，司於太守而何以憲於縣之庭？蓋一邑中有  
里老有尉有主簿有丞而後有令，訴者宜先之里老之  
尉之主簿之丞而後之令，此古人立法意也。令體且然，  
其上焉者可知。左氏曰：「侵官犯也，得官罪也。」今之人侵  
之，冒之而自以爲功，則何不并辭職而廢之，故曰爲政  
難知政體尤難。太守沈初圃先生爲民訴不理，鑑級去。

夫民訴理之宜也。縣牒未至而侵冒之非政體也。然以爲過則亦無辭。先生治江寧六年。民熙熙然不知有先生。及先生去。幼者啼。老者泣。卹然若有所亡。嚙上之設官。所以爲民也。然往往去留之故。多矯拂于民心。而爲之民者。必號于上而爭之。曰。若宜留。若宜去。民之權無能爲也。倘上之人。又必強其民而脅之。曰。若雖留而汝勿許。詎也。若雖去而汝勿許。思也。則上之權亦無能爲也。審夫上下交相勝之故。而先生不能已于行矣。民不能已于送矣。邦之人歌詩代餞而屬枚先焉。其詞曰。我有亡友。號程啓生。先生敬之爲其窮經。我有弟子。厥名陶湘。先生延之與論文章。兩生窮士顯者所棄。先生

不然曰我之事惟古太守興坻育才今無其權敢無其懷抱此區區施于有政難告上官可告孔孟漢守吳公治行第一祇薦賈生他事沒沒又有文翁循吏居首考其本傳一事無有但聞入學釋菜奠酒古人往矣存此高風先生來矣心與古同一朝命駕民送于野或餞其車或繫其馬有酒盈尊有淚盈把謂余不信請聽歌者

女弟盈書閣遺稿序

庚寅夏五女弟秋卿以婉難亡于汪氏兩家以爲大戚  
凡姒姆餘須臾養輩亦俱走位哭三曲而俛蓋其居恒  
制行字而敬德而度有以乎人之深也逾年妹壻楷亭  
屬序其詩余不禁繫歎洎涕而爲墨其前行曰嗚呼吾  
忍序吾妹也夫吾忍不序吾妹也夫妹爲叔父健磐公  
第四女生長粵西余歸叔喪于杭始見妹妹莊妹惻憐  
從禮而靜心雅憐之不知其能詩也居亡何讀中秋七  
夕等作愛其清絕色然而駭亟餉一釵以勸悲之妹竊  
喜自負益奮從此以詩名噪于時旣婚汪氏得尊章懽  
恩前室孤如實出已治家循整腴膏偏縱罔或勿懈暇

則。吟。唔。聲。與。鍼。衽。間。作。汪。故。巨。族。人。繁。而。歸。聞。妹。賢。且。  
才。爭。來。窺。觀。或。寄。卷。冊。巧。題。或。呈。所。作。求。唱。唱。削。改。妹。  
推。奩。具。坐。肆。意。酬。答。藻。思。空。湧。靡。不。鎮。願。伏。歎。有。林。下。  
風。余。過。揚。州。視。妹。妹。事。余。謹。甚。一。浣。濯。一。膏。展。必。躬。辦。  
治。知。余。嗜。淖。糜。雖。滿。盞。歸。霜。燈。熒。熒。猶。蘊。火。盆。孟。以。俟。  
探。刺。余。少。休。輒。刻。刻。起。屢。捧。艸。稿。出。拭。几。磨。墨。朕。余。而。  
笑。余。戲。曰。女。弟。子。又。索。診。詩。耶。應。聲。曰。阿。兄。之。聰。也。嗚。  
呼。此。情。此。景。曾。幾。何。時。而。今。不。可。再。矣。妹。詩。淵。雅。志。潔。  
而。情。深。縝。乎。其。猶。模。繡。也。因。念。遂。古。來。哲。人。偉。士。得。一。  
卷。書。傳。後。死。猶。不。死。妹。雖。一。女。子。雖。死。有。可。傳。者。存。夫。  
復。何。惜。獨。是。余。年。肩。大。董。妹。年。纔。三。十。八。拜。例。以。曹。大。

家爲孟堅續史故事妹當序余余不當序妹乃忽反其  
局以相將天道茫昧一至于此嗚呼命矣夫



送上元藍令牧邳州詩序

吏科給事中方毓川來言曰制軍鄂公其有道者歟攝篆未及稔効池守王擢上元令藍其於舉錯也當余聞之始知藍君之遷於邳也夫出處士之大端也世有寢兕持虎望之威如而居前居後無足輕軒者比比也有人焉能使人卽其出處以下其薦之者之賢否則其人之賢否可知也已乾隆十六年

天子南巡南之吏借供張名播克自私藍君獨不然藁秣甘楚非不取之農也必償其直酒醢斃祓非不役夫工也必酬其傭幣純四狄非不貸之紳士也必量其家當是時賦者趨者翕翕熱者耀其能於上者僉拙君之

所爲不一年襍徭肆 乘輿旋民相與迷於道官相與  
議於廷今之所謂賢否者非昔之所謂賢否也且夫藍  
君亦豈違人情弛王事徒煦煦焉好聲矜賢而已哉不  
過體 聖天子恭儉慈惠之意力用公正先天下而無  
所於私也夫當野難燎原時而獨施一障以相蔭民跂  
跂然趨之者自往而不可休此亦情事之易知者也然  
使知之者多而能之者又多則藍君不拙於前而賢於  
今矣下邳土瘠而隣河流亡者頗脫不止鄂公以君薦  
知君能登下其數藹藹萋萋必有以懷柔之也雖然上  
山者業已高矣然左右視而巍巍者尚在其前則進而  
上之無已焉夫人發一言善行一事正則必有善與正

之。色。應。面。而。至。此。無。他。未。能。忘。已。故。也。士。君。子。必。能。忘。  
其。異。乎。人。之。已。而。後。能。存。其。同。乎。人。之。色。記。稱。禮。有。損。  
詔。樂。有。相。步。溫。之。至。也。易。稱。君。子。獨。立。不。懼。而。仍。藉。用。  
白。茅。柔。之。至。也。逸。矣。藍。君。行。之。哉。勗。之。哉。邦。之。人。所。不。  
能。已。于。君。者。請。爲。歌。詩。書。於。吾。言。之。後。

龔旭開詩序

作詩如鼓琴然心虛則聲和心望則聲滯未有斬斧膠目。伋伋自賢而能學詩者也。吾雅遊龔子旭開有年其人侃然而靜。綈緩其纓行于途望之者皆知爲詩人。余論詩稍苛而于所交好者爲尤苛。以故旭開詩爲汰其七八意。方疑旭開之以不聽聽之也。亡何旭開端書兩卷來。凡余所未取者盡棄之。或取而有所商榷者盡易之。嗟乎。今學者畧識偏旁。解韵語。便築堅城而自固者。比比也。旭開于詩深造有年。獨能從吾言如轉圜然。則吾言之是非。余亦未敢深信。而旭開宅心之虛美哉。淵乎。未可量也。其詩如琴之和也。固宜旭開不專名一家。

而布格選調不落唐以後余按周禮調樂以鐘磬爲主  
作鐘磬必先依律調之然後施于廂懸諸音皆受鐘磬  
之均所謂聲應律也至于享宴殿堂無廂懸卽以笛爲  
鐘磬。旭間能以唐詩爲鐘磬爲笛爲均。其于鼓吹休明  
也尚矣。因其付梓爲序而先焉。使世之人知旭閒之心  
而后讀旭閒之詩。

送劉廣文入都序

學之士三年而大比。學之官六年而秩滿。士之舉于大比者百有一二焉。官之舉于秩滿者百無一二焉。夫官士爲之也。爲士而舉易。爲官而舉難。是何也。則獨不見夫學中之士乎。翩然蔚然濟濟然。雖堙沉而俚者亦各挾策而思上臻其學。中之官則黻然頽然。窮窮然。雖梟俊而銳者亦久于其中。而莫克矜奮。所以然者。國家用人如倉庾氏之登穀也。其美者以供帝之粢盛。其次焉者以餼百官。養兵。而其紅朽而將腐者。則又念其本五穀也。不忍棄之。則姑置之。于陳陳相因。不甚辜樵之所學。官亦然。無權無勢無財。而又無所督過。故其氣易衰。

于是世之人見公卿中岳牧守令中有拜起舒遲者喘  
而言牖而動者爭圭撮之利而徵于顏者必相詆牾曰  
是何其類學官歟于學官中見有襜褕盛服者儻儻利  
走趨者齒牙鏗鏘能識時務而不泥于古者必震而驚  
之曰是奚不爲公卿岳牧守令歟嘻學之官所以教天  
下之爲公卿岳牧守令也而世之人尊彼而絀此乃至  
于是則官之流弊使然也雖然于無人之地而求其有  
也難于無人之地而欲掩其有也又難陳奇寶于廟堂  
人皆曰宜則亦過而忘之矣若置之卑辱與渫之所雖  
鄉曲儇夫亦必代爲傷屯悼屈而動色相顧此又物理  
之自然而不關乎其遇不遇也農坡劉君官上元學六

年予疑其人浮于官將必速飛今年二月果舉最爲縣令而江南北之任是職者凡百數十人皆莫與焉邦之人爭爲君榮不知不足以榮君也何也君固公卿收伯才也匪止一縣令也惟其一紆折于學官間而人乃適適然驚然則是舉也非君之榮乃學官之榮也且夫物之能雄其曹者非止一隅一所而已也旣能雄乎學官之曹之上必能雄乎邑宰之曹之上君之此行也其無所不雄又可知也然而黃老家言固有以捨爲取以退爲進者吾願君自今以往聽其身之日上而心不與焉是則朋友贈言之義而已



東臯詩存序

乾隆庚辰予過東臯邑侯何西舫數稱汪生楚白之才予心識之而以遽治裝故不獲相訪今六稔矣弟子秦云亨來手一編曰此汪君所選東臯詩存也汪君死遺命呈先生且索序且付梓嘻汪君此選將以存東臯詩耶然汪君存則東臯詩因汪君而存汪君不存則汪君之名又將藉東臯詩存而存其序與梓也誠不宜緩也何休曰古者婦人五十無子擇其辨獲伉健者使居民間采詩故幽隱必達今其法已亡雖有鈞韶異音聽者一過蕩爲飄風無人焉槩而存之詩寧能自存耶汪君慨然倣宛雅故事輯而存之篤矣乎仁者之情亦居東

畢者之幸也。惜剖劓未已，賁志以歿，而余又相稽于邈。  
迨不獲一交，臂共拚，羣雅殊，賺人意。然亦豈料汪君于  
委化時，不瞽亂，不顧妻子悲泣而轉以鄙人之弁語爲  
拳拳方知韓仲卿稱曹子建夢中求序定非誕語而汪  
君之于是集果如是之不苟然也。宜表而出之，使後人  
知之。

裴中丞退思圖序

古名臣未有不抱出世之心而能有高世之功者也昔人稱謝傳功高百辟心在一邱猶云晉人風味若唐太師裴晉公則寒寒王臣以身繫天下安危乃園居綠野物外自娛此其心豈真耽江湖忘魏闕哉蓋亦守不以寵利居成功之戒而且以爲進思盡忠退思補過者大臣事也倘進之日多退之日少則宜其忠不足而過有餘矣退而靜思非深山邃林其奚居焉裴二知先生開府皖江盡科頭小像雅跼松石間兩僮抱琴一兒子執書侍其旁疊障重岩綿亘莽蒼觀先生圖知先生不愧晉公之裔也今夫鳳皇儀于虞廷騏驎駕于殷轅夫豈

不際隆。翌聖爲世禎祥哉。然其心未嘗不樂烟霄而思  
山野也。惟其能有是心。故不繫不蹶。而用乃益神。先生  
以此意托之于畫。若有所慕而未遂者。然不知身之所  
居者迹也。心之所存者神也。神之所存迹不足以拘之。  
古之人有履朱門若蓬戶者。有視伊呂若篋庫者。先生  
于道大行時。而能遐思物外。不以勛業自矜。此其胸中  
早已滌萬物而籠千古矣。然則牙旗羽葆皆可作清泉  
白石觀也。呵噉引噉皆可作松風水竹聽也。縱  
天子爲蒼生故。不肯以此境賜先生。而先生心中之清  
夷又何嘗終日不在畫中耶。若夫知足不辱。知止不殆  
之語。則未免猶有己之見存。而未足爲先生誦也。畫之

前未題額畫之中未題詩先生不異他人先以屬枚先  
生之意以山水付山人猶之居細旃廣廈間當聞鈞韶  
而之乎蓬蒿廣莫之鄉則必爲野音而后善之也枚不  
敏其又何辭

汪模廬聖湖詩序

聖湖。淳淳然橫于杭之城西。而春而秋。而昏而朝。丈夫。女子。儻儻俟俟。咸嬉遊焉。躑躑焉。羣以爲美。而卒不能。言其所以美也。模廬先生爲詩若干。凡嘉卉。裸樹。荒祠。古亭。靡不以五字韵之。而又自趙宋以來。一典故。事。必縷述焉。凡聖湖之所有者。詩靡不有也。卽聖湖之。業已無者。詩則未嘗無也。今而后。聖湖之美。先生言之。矣。且盡之矣。惟是先生與枚同傍聖湖而生。同別聖湖。而仕當先生在家時。未始有詩。而今始追而爲之。則又。未嘗不嘆人情之近。則易忽。而遠則相思也。今年先生。七十有六枚。亦四十有五。園田宅舍。同具。白門想重到。

兒時釣弋處相攜而迭謠知復何日蒼蒼在髣烟波在天三復斯篇如蕩舟湖中水色猶明紙上然則先生之索序于余也蓋亦越吟而使越人聽之之意也

幽光集序

人。能。詩。時。不。欲。傳。其。詩。雖。然。有。天。焉。未。可。必。也。第。梓。而。行。之。公。之。于。天。下。而。詩。人。之。事。畢。矣。余。交。海。內。詩。人。四。十。年。其。詩。之。已。梓。者。勿。論。或。未。梓。而。其。人。存。或。雖。不。存。而。其。子。若。孫。猶。存。則。梓。之。傳。之。吾。何。容。心。焉。惟。夫。苦。吟。終。身。而。且。貧。且。賤。且。死。且。無。後。則。所。矜。矜。自。抱。者。豈。不。如。輕。風。飄。雲。之。漸。滅。哉。當。其。賞。一。句。之。奇。搜。一。字。之。巧。何。嘗。不。渺。棄。萬。有。指。千。秋。以。爲。期。而。一。旦。湔。然。付。諸。不。可。知。之。數。易。地。以。思。于。余。心。能。無。惛。惛。乎。使。敝。帚。自。享。原。不。足。以。長。留。天。地。間。則。亦。聽。其。湮。沉。焉。宜。矣。而。往。往。不。傳。之。詩。有。高。出。于。世。所。傳。之。詩。之。上。者。則。天。之。所。以。



留。後。死。之。人。者。其。意。爲。何。也。何。休。云。古。者。男。子。六。十。無。  
子。使。之。民。間。采。詩。余。今。年。正。符。此。例。因。取。平。生。所。錄。亡。  
友。詩。各。加。一。傳。梓。而。行。之。取。昌。黎。幽。光。二。字。爲。其。集。名。  
嗟。乎。此。集。中。者。皆。東。西。南。北。之。人。余。業。已。不。獲。過。其。鄉。  
弔。其。墓。矣。而。藉。此。一。編。開。卷。宛。然。九。原。若。作。足。慰。衰。年。  
懷。舊。之。思。且。使。天。下。人。得。而。讀。之。知。我。所。集。者。如。是。我。  
所。未。集。者。尚。無。窮。也。則。或。有。繼。我。而。爲。採。風。者。

雨亭公子遺稿序

今年春高公子雨亭從京師寄圖來屬其弟潤亭索余題詩圖畫美少年著縑單衣坐松石上心欽遲之以爲公子貴人也而飄飄然有物外之思何超雋乃爾且長安詩人麻集誰不趨公子下風者雨亭不此之求而偏走家書千里外乞言于不肖之身何也居亡何聞宮傳有西河之戚心憂之未敢請問又月餘潤亭手一編而泣曰先兄未見所題圖已委化矣然先兄雅好吟詩曾執訊來索予詩與歸愚尚書詩今所存若干慮其零落子爲我序而存焉余讀之麗則清婉想其人深于情者也敦古處者也淡榮利者也嗟乎物必相合也而後相

思銅山鐘鳴裴賓鐵應皆以氣相感召者也雨亭之詩  
余一見而愛之然則余詩之蒙雨亭之求之也亦宜昔  
人云荀君雖少後事當託鍾君子羸老也半生烟墨不  
獲付托于知音而翩翩公子之詩反灑老淚爲之點定  
天下事寧堪測量哉然歸愚尚書先雨亭一年而歿則  
此時之與雨亭地下賡歌無疑也而余猶視息人間未  
知何日得遂執鞭之願悠悠千載結此心期生不過畫  
上相逢死不過集中一序天使我二人之交情如斯而  
已則又不如雨不相知之爲姝也悲夫

胡稚威駢體文序

文之駢卽數之偶也。而獨不近取諸身乎？頭奇數也，而  
眉目而手足則偶矣。而獨不遠取諸物乎？草木奇數也，  
而由藥而瓣鄂則偶矣。山峙而雙峰，水分而交流，禽飛  
而並翼，星綴而連珠。此豈人爲之哉？古聖人以文明道  
而不諱修詞駢體者，修詞之尤工者也。六經濫觴漢魏  
延其緒，六朝暢其流。論者先散行，後駢體，似亦尊乾卑  
坤之義然。散行可蹈空，而駢文必徵典。駢文廢則悅學  
者少，爲文者多文。乃日敝若夫四六者，俗名也。庚桑楚  
及呂覽所稱四六，非此之解。柳子稱駢四儷六，樊南稱  
六甲四數亦偶然語耳。沿此名文於義何當？宋人起而

矯之輕倩流轉別開蹊徑古人固而存之之義絕焉自  
是格愈降調愈卑靡靡然皮傳而已雖駢其詞仍無資  
於讀書文之中又唯駢體爲尤敝吾友胡稚威有意振  
之得若干卷錦摘霞駢技至此乎然吾謂稚威之文雖  
偶實奇何也本朝無偶之者也迎陵綺園非其偶也  
今人不足取于古人偶之者玉溪生而止耳再偶則唐  
四家與徐庾燕許也吾將偶之而恐未逮乃先爲之序

蕭十洲西征錄序

馬端臨志地極博然吐蕃一考不過采唐書舊語而無所發明蓋端臨以宰相子爲儒臣未嘗出塞不能見而知之而兜牟介冑之士又不能磨盾鼻以相助就使有其人而爾時南宋屯危求保一隅尚不可得何暇走荒服以外載此輿地之學所以必詳于大一統之朝也吐蕃至本朝爲西藏來享來王最爲馴伏蕭公十洲鎮安康五年著西征一錄余讀之不徒嘉其鉤考詳密而兼嘆公之將畧獨偉出于等夷從來著書之道與治兵通治兵者號令其發凡也隊伍其體例也行止其章法也魚麗鵝鶴左孟右孟其目錄也大而至于鳥蛇龍虎

之變細而至于梁麗渠荅鈎梯井竈之微分而省之合而叅之必使部居別白而後可以克敵取勝公輯吐蕃之疆域以至物產方言靡不鱗羅包舉是豈徒矜典博以將軍而爭太史之職哉誠恐小有騷則按吾圖籍措而安之無難也乃公竟賈志以卒不能爲帥師之長子銘功勒石唱呼而還又不獲爲鞶韞象胥宴舌人而歌槃木得毋有未竟其才之憾乎然吾所悵悵而悲者猶不止是也每見世人著書尺許問其子孫不知卷若干者多矣獨先生子松浦能抱父書來徵吾言以信之于天下其孝足稱也而予於空山水雲間偶展卷觀覺邊笳戍鼓隱現紙上幾欲屬葵韞賦從軍一証書中之

奇。而。自。搔。白。髮。則。又。未。嘗。不。傷。其。身。之。老。而。衰。也。序。成。  
投。筆。爲。向。西。長。望。者。久。之。



葉書山庶子曰艸序

同試鴻詞科同舉京兆同登進士同入詞館者余平生  
得二人焉其一爲歸愚尚書其一爲書山庶子尚書以  
詩名而先生以說經聞論者曰說經人多不能詩又曰  
詩頌聖者難工不知詩卽經也賡歌喜起半頌聖也果  
能說經而何有于詩果能頌聖而何憂其不工先生著  
春秋若干卷晚年督學趙黔歸恭逢天子有謁

陵平西張兩大典先生拜手賦詩彙而頌曰曰下艸質  
不過朴麗不傷雅洵足以光揚緝熙昭章元妙因念先  
生與尚書俱持節俱衡文俱咏卷阿又俱于告回籍以  
其道傳東南之學者文人遭際晚年益隆余齒最少官

最舉三十年來與先生宦轍乖迕通一訊不可得今忽相依石頭城下春餘夏初花欄水牕時時張飲置具婆娑文墨先生白髮飄蕭而余亦蒼蒼在髣文人遇合晚年益親然而回首玉堂彼此都如天上自今以往所以重科名而報國恩者其在數行文字間乎昔也同升翱翔王路今也同歸咏歌昇平天實爲之非偶然也故承命爲序而不禁欣然奮筆焉

萬柘坡詩集跋

亡友萬柘坡遺集若干程魚門昵之陳古漁非之二人皆深于詩者也訟而質于余余欲通兩家之意特加點按集中五七古沉摯之思如窮淵泉而縋出之真古豪矣近體索索殊少真氣說者謂爲宋人所累余按宋名家絕無此種考厥濫觴始于吾鄉韞材諷說之徒專屏采色聲音鈎考隱僻以震耀流俗號爲浙派一時賢者亦附下風不知明七子貌襲盛唐而若輩乃皮傳殘宋棄魚菽而噉菰苓尤無謂也孫伯符謂公路云恨不及其生時與其辨論柘坡與余總角之交九原有知必喜聞過而余亦深悔當年不早進規語致留才人未竟之

憾逝者已矣。來者未已。爲扶其瑕。以見其平生之所悞者。止于是也。而大美乃以益彰。且以嚴詩之防。而謹其所趨。否則文章公器。日論者謂竟可以好尚異也。其不然矣。

南村唱和詩跋

昔予知金陵南村西圃兩同年時來官舍蓋西圃蕪湖  
人南村蕪湖宰一輩之杭渡江便至而三人者又均以  
詞臣改官故相得尤懽予乞病之年爲跋其同舟唱和  
詩忽忽三十年都不省記今年南村之子衍杜將板而  
行之寄此卷來屬予點定予就其詩考其存歿南村亡  
十五年西圃亡七年作序之寶意先生亦亡十年卷內  
人無一在者而予當日同官中最少年今亦皤皤六十  
翁矣杜少陵所謂老病懷舊生意可知除淚落行間外  
尚何餘語惟念衍杜能存先人之詩并能寄先人數千  
里外之友而使之共存其詩有子如此可謂賢矣至於

詩之清婉讀者知之無需宣揚而一篇之中往往一則  
曰隨園再則曰推袁想見當日交情相厚如是而亦若  
預知我之將爲後死之人也噫

野處堂遺稿跋

徵士綿莊程君將塋枚往助屬引之役其季南耕手一  
編泣然曰此先君子所述作也先君子純終領聞有踐  
繩之節其犖犖大者具諸名公墓表矣惟詩文之多遺  
嗣章與亡兄懼遏佚前人光集僅存者將付于梓子甚  
文而又與亡兄同辟公府爲加墨簡端似于誼所不當  
辭枚受而讀之其理淳其言正幽谷之芳翠于百艸非  
有意先之也乃自然也嘗謂世無無本之學古所傳談  
遷之史常氏之經皆父學也南耕與其兄以經史分家  
各有纂著非先生基之者深何以有此然綿莊垂死以  
此編授南耕南耕年亦七十五矣耳聾目營行圈豚一

掛幾墮而猶曰守父誓欽欽在抱嗚呼哉孝也亦庶幾  
古之爲人後者歟



小倉山房文集卷十二

錢唐袁枚子才

篁村題壁記

壬申余北遊見良鄉題壁詩風格清美末署篁村二字  
心欽遲之不知何許人和韻墨其後忽忽十餘稔兩詩  
俱忘丙戌秋揚州太守勞公來誦壁間句琅琅然曰宗  
發率大興時供張良鄉見店家翁方填館篁村原倡與  
子詩將次就巧宗發愛之苦禁之店翁詭謝曰公命勿  
巧是也第少頃制府過見之保無嘆否宗發竊意制府  
方公故詩人盍抄呈之探其意制府果喜曰好詩也勿  
填今宗發離北路又四年兩詩之存亡未可知子感勞

公意稽首祝延之不意方公以尊官大府而愛才若是  
亟錄所誦存集中夸于人道失物復得然卒不知篁村  
爲何許人今已丑歲矣八月十一日飲江寧梁方伯所  
客有蕭山陶君者蒼髮淵雅傾衿談甚樂不知卽篁村  
也次日來又次日詩來署名曰元藻終不知卽篁村也  
弟子陳古漁闖然入睇其小印曰雙陶篁村在此耶余  
聞之如結解如迷釋如天上物墮適適然起舞蓋古漁  
耳篁村名甚久而不知余之更先之也今夫天下大矣  
方聞之士衆矣邂逅與思付諸茫昧寧料有承顏抗手  
時耶旅壁殘墨點剝無萬萬數而此五十八字偏蒙護  
持又寧料知音之外更有知音耶相思垂二十年卒不

遇。既。遇。復。將。交。臂。失。又。寧。料。有。旁。人。來。無。心。叫。呼。爲。指。  
而。明。之。耶。然。方。公。勞。公。俱。已。物。故。而。我。與。篁。村。幸。留。其。  
身。以。相。見。則。又。安。得。不。駭。且。賀。而。終。之。以。悲。也。因。憶。平。  
生。過。邦。江。寺。壁。愛。茗。生。詩。過。金。陵。書。肆。愛。東。亭。詩。二。人。  
者。均。不。著。名。氏。均。訪。得。之。一。爲。蔣。君。士。銓。一。爲。董。君。潮。  
永。幾。均。登。甲。科。入。翰。林。與。余。同。史。館。而。茗。生。自。西。江。移。  
家。來。得。朝。夕。見。甚。狎。東。亭。則。終。不。見。且。死。矣。或。未。必。知。  
余。之。拳。拳。其。相。思。也。友。朋。文。字。間。亦。有。遇。有。不。遇。而。况。  
其。他。遭。際。哉。

隨園記

金陵自北門橋西行二里得小倉山。山自清涼厓胎分兩嶺而下，盡橋而止，蜿蜒狹長，中有清池，水田俗號乾河。沿河未乾時，清涼山爲南唐避暑所，盛可想也。凡稱金陵之勝者，南曰雨花臺，西南曰莫愁湖，北曰鍾山，東曰冶城，東北曰孝陵，曰雞鳴寺，登小倉山，諸景隆然上浮，凡江湖之大，雲煙之變，非山之所有者，皆山之所有也。康熙時，織造隋公當山之北巔，構堂皇，綠垣牖樹之，栽千章桂，千畦都人游者翕然盛，一時號曰隋園。因其姓也。後三十年，余宰江寧，園傾且頽，弛其室爲酒肆，與臺榭，吸禽鳥厭之，不肯姬伏，百卉蕪謝，春風不能花。余

惻然而悲問其值曰三百金購以月俸茨牆剪闢易簷  
改塗隨其高爲置江樓隨其下爲置溪亭隨其夾澗爲  
之橋隨其湍流爲之舟隨其地之隆中而欹側也爲綴  
峰岫隨其蓊鬱而曠也爲設宦窆或扶而起之或擠而  
止之皆隨其豐殺繁瘠就勢取景而莫之天闕者故仍  
名曰隨園同其音易其義落成歎曰使吾官于此則月  
一至焉使吾居于此則日日至焉二者不可得兼舍官  
而取園者也遂乞病率弟香亭甥淵君移書史居隨園  
聞之蘇子曰君子不必仕不必不仕然則余之仕與不  
仕與居茲園之久與不久亦隨之而已夫兩物之能相  
易者其一物之足以勝之也余竟以一官易此園園之

奇。可。以。見。矣。已。已。三。月。記。

隨園後記

余居隨園三年。捧檄入陝。歲末。周仍賦歸來。所植花皆萎瓦斜墮。梅灰脫于梁。勢不能無改作。則率夫役芟石留覲土脉。增高明之麗治之。有年費千金而功不竟。客或曰。以子之費。易子之居。胡華屋之勿獲而俯順荒餘何耶。余答之曰。夫物雖佳。不手致者不愛也。味雖美。不親嘗者不甘也。子不見高陽池館蘭亭。梓澤乎蒼然古蹟。憑弔生悲覺與吾之精神不相屬者何也。其中無我故也。公卿富豪未始不召梓人營池園。程巧致功千力萬。氣落成主人張目受賀而已。問某樹某名而不知也。何也。其中亦未嘗有我故也。惟夫文士之一水一石一

亭一臺皆得之于好學深思之餘有得則謀不善則改其蒔如養民其刈如除惡其創建似開府其浚渠實山如區土宇版章然而識之神而明之惜費故無妄作獨斷故有定謀及其成功也不特便于已快于意而吾度材之功苦搆思之巧拙皆于是徵焉今園之功雖未成園之費雖不貲然或缺而待周或損而待修固未嘗有迫以期之者也孰若余昔年之腰笏磬折里黽喧呶乎伐惡草剪虬枝惟吾所爲未嘗有制而掣肘者也孰若余昔時之仰息崇幬請命大胥者乎五代時僭擅利宴宣德堂歎曰作者不居居者不作余今年裁三十八入山志定作之居之或未可量也乃歌以矢之曰前年離



園人勞園荒。今年來園。花密人康。我不離園。離之者官。  
而今改過。永矢勿諼。癸酉七月記。

隨園三記

園林之道與學問通藏焉修焉不增高而繼長者荒于嬉也息焉遊焉不日盛而月新者狃于便也然警者爲之徒鉤鈇析亂而已吾固不然爲之勤遊之勤恆若有所思念計畫以故登登陬陬耳無絕音雖然學之不足精進可也園之不足則必傷于財而累于廉烏乎可繼乃恍然曰人之無所棄者業之無所成也西不盡流沙南不盡衡山此非疆宇之有所棄乎夔典樂則棄禮孔子執御則棄射此非學術之有所棄乎天且不全故世爲屋不成三瓦而陳之孟子亦曰人有不爲也而後可以有爲吾于園則然棄其南一椽不施讓雲煙居爲吾

養空遊所。棄其寢。侈剝不治。俾妻孥居爲吾。閉目遊所。  
山起伏。不可以墻。吾露積不垣。如道州城。蒙賊哀憐。而  
已。地隆陷。不可以堂。吾平水置槃。如史公書旁。行斜上。  
而已。人壽不如屋。吾穿漏。液滿。菜廬。小子狙猿之杙。如  
管晏法。期于沒身而已。不筮日。不用形家言。而築毀如  
意。變隙地爲水。爲竹。而人不知其不能。屋疏牕而高基。  
納遠景。而人疑其無所窮。以短護長。以疎彰密。以豫畜  
材。爲富以足其食。徐其兆。而不趨爲犒工。而恤夫使吾  
力常沛然有餘。而吾心且相引而不盡。此治園法也。亦  
學問道也。丁丑三月記。

隨園四記

人之欲。惟目無窮耳。耶鼻耶口耶。其欲皆易窮也。目仰而觀。俯而窺。盡天地之藏。其足以窮之耶。然而古之聖人。受之以觀。必受之以良。良者止也。於止。知其所止。黃鳥且然而況于人。罔悅目者也。亦藏身者也。人壽百年。悅吾目。不離乎四時者。是藏吾身。不離乎行坐者。是今視吾園。奧如環。如一房。畢復一房。生襍以鏡光。晶瑩澄澈。迷乎往復。若是者。于行宜。其左翠其上。書其中。多尊疊玉。石甯橫陳。數十重對之時。倏然以遠。若是者。于坐宜。高樓障西。清流洄洑。竹萬竿如綠海。惟蘊隆宛暘之。勿虞若是者。與夏宜。琉璃嵌牕。目有雪而坐。無風若是。

者與冬宜梅百枝桂十餘叢月來影明風來香聞若是  
者與春秋宜長廊相續雷電以風不能止吾之足若是  
者與風雨宜是數宜者得其一差強人意而况其兼者  
耶余得園時初意亦不及此二十年來庸次比偶艾殺  
此地棄者如彼成者如此既鎮其幾矣夫何加焉年且  
就衰以農易仕彈琴其中咏先王之風是亦不可以已  
乎後雖有作者不過酒清之事升平之飾可必其無所  
更也宜爲文紀成功而分疏名目以效輞川云丙戌三  
月記

隨園五記

志。餘。於。才。則。樂。才。餘。於。志。則。不。樂。吾。志。願。有。限。而。所。詣。  
每。過。所。期。自。分。官。職。得。郡。文。學。已。足。而。竟。知。大。邦。家。計。  
得。十。具。牛。已。足。而。竟。擁。百。畝。園。得。一。椽。已。足。而。竟。四。記。  
之。疏。名。目。而。分。詠。之。私。揣。余。懷。過。矣。哉。不。意。數。年。來。過。  
之。中。又。有。過。焉。余。離。西。湖。三。十。年。不。能。無。首。邱。之。思。每。  
治。園。戲。倣。其。意。爲。隄。爲。井。爲。裡。外。湖。爲。花。港。爲。六。橋。爲。  
南。峯。北。峯。當。營。構。時。未。嘗。不。自。計。曰。以。人。功。而。倣。天。造。  
其。難。成。乎。縱。幾。於。成。其。果。吾。力。之。能。支。吾。年。之。能。永。否。  
今。年。幸。而。皆。底。於。成。嘻。使。吾。居。故。鄉。必。不。能。終。日。離。其。  
家。以。遊。於。湖。也。而。茲。乃。居。家。如。居。湖。居。他。鄉。如。故。鄉。驟。

思之若甚幸焉徐思之又若過貪焉然讀易賁之六五  
曰賁於邱園束帛戔戔吝終吉輔嗣註云施飾于物其  
道害也施飾邱園吉莫大焉謂邱園草木所生本質素  
之處故雖加束帛雖吝而終吉左氏曰樂操土風不忘  
本也余雖貪不知止而能合於易以操土風或免於君  
子之譏乎彼世之飾朱門塗白盛者或爲而不居居而  
不久而余二十年來朝夕斯不特亭臺之事生生不  
窮卽所手植樹親見其萌芽拱把以至于蔽牛而參天  
如子孫然從乳哺而長成而壯而斑白竟一一見之皆  
人生志願之所不及者也何其幸也雖然草木如是吾  
亦可知吾既可知則此後有不可知者在矣戊子三月

記



隨園六記

嘗讀晉書太保王祥有歸葬隨葬兩議方知隨之時義不止嚮晦入宴息而已也余先君子卒於江寧欲歸葬古杭慮與機之艱不果欲隨葬茲土又苦無誓宅所以故將半允豫慢葬者十有七年思古人未葬不除服之義惺然自以爲非人今年春有形家來謀園西爲兆域者余聞往視則小倉山來脉平遠夷曠左右有甌隴岸厓草樹覲擊封以爲塋宰如也因思予有地廿年不知一旦而知母亦先君子之靈有以詔我乎遂請于太夫人以己丑十二月十六日扶柩窆焉塋離園僅百步以故牆嬰安穩得時時除其艸灌其宰樹審諦其墓石子

故貧士幼時先君子幕遊楚粵余遊學京師父子常相  
離也今以一園之故而先君子厝於斯祭於斯奠幽宮  
于斯父子蓋未嘗一日相離是豈強而爲之哉亦隨其  
地之便心之安而已塋旁隙地曠如余倣司空表聖故  
事爲已生塋將植梅花樹松與門生故人詩飲其中若  
是者何子隨父也塋界爲二俾異日夾溝可度若是者  
何妻隨夫也塋尾留斬板者又數處若是者何妾隨妻  
也沿塋而西有高嶺率衍而長凡僉從扈養婢嫗之亡  
者聚而瘞焉若是者何僕隨主也嗟乎古人以廬墓爲  
孝生塋爲達瘞狗馬爲仁余以一園之故冒三善而名  
焉誠古今來園局之一變而隨之時義通乎死生晝夜

推恩錫類則亦可謂大矣備矣盡之矣今而後其將無  
記則尤不可不記也庚寅五月記

陶氏義莊碑記

古立大宗以餘財歸之有不足者資之於宗後世廢宗  
法遂有一族而異日相視者然漢之樊重魏之楊靜均  
能散所有濟族人數世之窮第未嘗扁表其莊紳楔而  
書蓋行其心之所安而不以爲義也范文正公修其法  
號曰義莊公之心豈以義自居哉以爲仁事也而義名  
之然後使吾子孫知如是則義悖是則不義方克踵行  
勿倦與吾意相終始而天下之大人之心之同必有慕義  
無窮而奮乎千百世後者潯陽陶氏之遷於吳也距文  
正公六百年矣族落落大滿不能無窶人子徵仕郎世  
魁聞范氏之風而悅之其子員外祿尊父志以繼先賢

割沃畝置莊鳩厥宗支振廩同食月會而旬計之吳之人以爲今之陶昔之范也今夫江河之大綿亘萬里而世不能無斷港絕潢者非其本支故也若夫岷山之旁流崑崙之餘波而淤塞就枯焉人能無憾於江河乎惟其能以九里之潤灌溉百川而江河乃愈增其大然則陶氏之以仁爲富也乃其善於持富也傳曰尊祖故敬宗敬宗故收族易曰何以聚人曰財聚卽收之之謂也天下人非財不收而况於本族乎余與篠之子振聲戊午同試京兆別二十二年相見吳下持此顛末屬余爲記余喜故人重逢還聞高義而又私念袁氏族黨零落難收匪徒力有所讓蓋亦自傷其聞之之晚焉

戊子中秋記遊

佳節也。勝境也。四方之名流也。三者合。非偶然也。以不  
偶。然之事。而偶然得之樂也。樂過而慮其忘。則必假文  
字以存之。古之人皆然。乾隆戊子中秋。姑蘇唐眉岑峯  
其兒主。隨園數烹餽之。能于烝瓊首也。尤且曰。茲物難  
獨噉。就辦治。顧安得客。余曰。姑置。具客來。當有不速者  
已。而涇邑翟進士雲九至。亡何真州尤貢父至。又頃之  
南郊陳古漁至。日猶未暝。眉岑曰。予四人皆他鄉。未攬  
金陵勝。盍小遊乎。三人者喜。納屨起。趨趨以數。而不知  
眉岑之欲飢客以柔其口也。從園南穿籬出。至小龍窩  
雙峯夾長溪。桃麻鋪芬一漁者來。道客登大倉山。見西

南角爛銀傘湧曰此江也江中帆檣如月中桂影不可  
辨沿山而東至蝦蟆石高壤穹然金陵全局下浮曰謝  
公墩也余久居金陵屢見人指墩處皆不若茲之曠且  
周竊念墩不過土一坏耳能使公有遺世想必此是耶  
就使非是而公九原有靈亦必不捨此而之他也從蛾  
眉嶺登永慶寺亭則日已落蒼烟四生望隨園樓臺如  
障輕容紗參錯掩映又如取鏡照影自喜其美方知不  
從其外觀之竟不知居其中者之若何樂也還園月大  
明羹定酒良莛首如泥客皆甘而不能絕于口以醉席  
間各分八題以記屬予囑余過來五十三中秋矣幼時  
不能記長大後無可記今以一莛首故得與羣賢披烟

雲辨古蹟遂歷歷然若真可記者然則人生百年無歲  
不逢節無境不逢人而其間可記者幾何也余又以是  
執筆而悲也



## 西磧山莊記

江澄里先生得西磧山莊之次年賦詩八章走幣索予爲記。余告之曰：凡遊其地而不能忘者，心記之，勝于筆記之也。予遊山莊一稔矣，愛其形勝之奇，天施地設，非人所爲，故常置諸心。曰：微子之請方將，暫梗槩當臥遊而況受主人誨，淩邱莊在吳門，鄧尉之西，舊號逸園，離城七十里，極蠡胥鮑稟之饒，入其門，古梅鋪紫，芳樹蔚蔚，曲澗巉巖環廬而呈，所屬表者有清暉閣，有九峰草廬，有釣雪槎，有鷗外春沙館，凡十餘處，皆各極其勝，而騰踴臺爲尤奇。臺袤夷畝，許西磧山從背起，接天蒼蒼，然而臨太湖三萬六千頃之烟波，浮湧臺下。余遊時適

主人程君外出相傳園已售揚州江氏俄而有持蘊火  
來置竈者詢之果江氏家僮予素知程故高士能詩聞  
其棄園而駭及聞橙里得之復娵娵然喜蓋橙里之才  
且賢猶夫程君而與予交尤狎于程君故也因思古者  
楊。憑。之。宅。白。傳。居。之。蕭。復。之。園。王。縉。居。之。天。于。幽。渺。質。  
絕。之。境。往。往。鄭。重。愛。惜。必。畀。諸。克。稱。此。居。之。人。轉。不。若。  
朱。門。華。堂。之。濫。施。而。無。所。于。靳。也。雖。然。學。問。之。道。無。窮。  
園。亦。然。程。君。治。園。之。力。盡。矣。故。棄。園。橙。里。之。力。有。餘。故。  
得。園。然。則。增。榮。益。觀。又。安。知。非。天。之。爲。園。計。而。故。乃。捨。  
舊。而。新。是。謀。耶。經。之。營。之。似。亦。橙。里。所。不。宜。得。已。園。中。  
亭。榭。無。可。改。更。惟。臺。旁。少。屋。天。風。清。寒。客。難。久。畱。得。時。

數椽其間觀魚龍出沒與縹緲莫釐二峯朝夕拱揖豈  
非置身天際哉苟此室成予雖衰所不百舍重趵而再  
至者有如此水

小倉山房文集卷十三

錢唐袁枚子才

安徽布政司新解題名記

代許公作

凡事之最始者古今人之所屬目者也。卽其官非始建之官而官所駐劄之地自某人始則後之人必將考其姓名以矩其行事。本朝分安徽江蘇爲上下江省安徽布政使司駐劄江寧由來舊矣乾隆二十五年

皇上命增設江寧布政司一員歸安徽布政司于安慶縣者分之遠者近之所以廣治化專事權也而松估適爲始駐安徽之布政使司除簿領外一切草創因太守舊署而爲署庫先焉次堂皇次賓館次燕寢署之東因

司馬舊園而爲園栽竹木置亭增岑樓焉登可見龍山  
工旣成將題石陷壁而不禁悚然曰凡治事者遙而度  
之不若近而按之之切也專而謀之不若聚而成之之  
善也今有客遊而理家者雖聰強廉察十中八九而無  
如身爲寓公終懸揣焉一旦歸家則瓶罍紙盎燦若列  
眉然其旁或無尊長之誨示兄弟子姓之贊助或雖有  
之而非其同居共休戚者則事難就就亦未必盡善安  
徽布政使司之駐江寧此客居而治家者也其所接將  
軍司道府佐州縣是尊長兄弟子姓之不同居不共休  
戚者也天子知之故以安徽官還安徽又使日隣近  
其中丞觀察使府佐州縣咨諏詢度以治安徽之百姓

此于爲政順之至者也。欲不治也得乎。雖然彈琴者改弦而更張之必其聲之和于前而後不負所以改弦之意。元沐置十三行中書省于諸路添設平章明代改爲布政司蓋卽所謂使相者是也。以甚尊之職而又裒然爲開府之首其將何以副之必也如工居肆如射運臂使改歸之效確然可指而後此心卽安否則其在近也又何異其在遠也。後來之君子當思此言。

醉嘯軒記

醉而嘯。醉宜嘯。而醉嘯宜環流于二者之間。庶幾古達者也。功園主人作醉嘯軒。華不秬雕鏤。樸不虞陀侈蜀而幽袤。廣悉稱既成。凡夫貌執者。傾矜者。繪者。率者。韻絃索者。投莞格五者。靡不屬至。能醉則醉。能嘯則嘯。主人亦聽客之所爲。辛卯冬。予過蘇州。主人爲軒索記。爲記。飲余。余不能飲。何以醉。不能歌。何以嘯。不醉。不嘯。又何以記。軒然。夫醉與嘯之義。有一二聞于師者。按嘯旨十五章曰。疋曰叱。其法今絕矣。惟醉人如雲。法似不絕。然而心醉六經者。少則猶之乎絕也。吾願遊是軒者。能酣典墳。則醒亦醉。能和心聲。則嘿亦嘯。若夫瞢瞢然醉。

小倉山房  
卷十三  
而已矣。噉噉然嘯而已矣。殆非主人意耶。謂余不信。請質之軒。



馬骨記

丙戌夏五門人陳熙將遠行予止而觴之酒行門外人  
聲嗷嗷闢者手一物入曰皖人畜馬馬負鹽車死剖之  
腦有骨若山峰殺然黃一市爭傳觀無能名聞隨園主  
人能博古故來問訊予諦視亦睽也謝之去居亡何陳  
生參戶入曰昨閱拾遺記載馬首有骨白者日行千里  
黃者日行八百里前所見馬骨黃其生時殆八百里馬  
乎予聞而嘆曰斯古所謂骨法應相者是也今王侯上  
廐其莖香其披錦障者寧得有應相馬乎然而皖人竟  
有之矣有之而不能知屈馬以死死而不能知載骨以  
訪訪而終不能知棄骨以去嗚呼天下之不遇孰有如

茲馬者乎。雖然彼野人也。馬死則已耳。不野瑾之而遠  
詢數百里外。予于拾遺記頗檢校而臨事輒忘。陳生非  
有意檢書而忽于此。數日間爲死馬得當以報。然後知  
天之生才若隱若現。若不遇若遇。若有意若無意。于淹  
沉已極。計無所復之中。而又必使其身分畧一表明。嘻  
其憐馬耶。其示人耶。

史公張秋治河記

乾隆十六年夏六月二十八日黃河決豫州自陽武建  
瓴而下出延津逾長垣東明達齊魯壽張東阿等郡川  
續來滙如馬逸不止秋七月二十日水穿張秋之掛劍  
臺而東由大清河入海當衝者城不沒三版民怔忡無  
措號泣者相環諸河官色變而言隤或請塞掛劍臺口  
或請相麥田下疏其流或請貸百姓金聽自遷寬沂道  
史公抑堂止之下令曰築南北隄二百丈毋稍遼緩成  
水不左右衝民稍安公乃上書總河顧公曰掛劍口已  
爲江河矣黃流稽天隄根茫茫將焉置土石欲挑濬者  
此刷彼淤舂鍤無所施夫上源不斷徒急下流是屋梁

之。崩。而。輔。以。數。杙。之。支。不。缺。則。收。爲。今。計。宜。聯。豫。東。兩。省。爲。一。局。急。塞。陽。武。咽。喉。旣。斷。流。乃。從。事。于。東。東。所。漫。處。宜。棄。故。潰。開。新。河。易。西。岸。爲。東。岸。旁。築。兩。隄。如。翼。東。而。張。之。增。二。壩。遏。水。北。行。如。此。則。河。力。漸。退。功。可。成。有。他。變。某。請。身。當。之。書。上。當。事。者。壯。公。言。報。曰。可。公。乃。駐。節。河。上。轉。巨。石。仆。大。木。審。形。司。馬。別。駕。行。飭。料。丞。若。尉。行。冬。十。一。月。十。一。日。塞。陽。武。口。十。二。月。朔。黃。流。絕。坡。河。積。水。消。再。四。日。告。成。清。流。如。鏡。水。波。不。揚。萬。姓。曲。踊。百。貨。魚。貫。費。帑。一。萬。有。奇。是。役。也。微。史。公。幾。殆。袁。牧。自。陝。歸。泊。濟。寧。公。以。其。狀。來。曰。夫。河。決。無。期。而。算。須。有。定。余。豈。矜。而。自。功。耀。後。人。哉。然。通。變。之。用。多。所。參。證。則。詳。而。

益明背趙充國屯田于邊封上文書曰須爲後法余慕  
古人之用心需子之筆墨將使後之治河者有所考也  
枚曰諾遂紀其實于碑

俞氏義塚碑記

周禮蜡氏掌除愷有死于道路者埋而置楬焉又族師十家爲聯五人爲伍使相葬埋古制民之產名山大川廣谷無禁地公地也恣民之所使之收送死無憾今任土之法廢矣尺寸皆民私也流離之氓天爲鳧歿橋死於中野橫陳而已誰能無殘虐士而損所有以仁其類乎丙子歲江南游飢札瘥天昏羈鬼相望捐瘠者焚如者漂溺者蠅蚋之所姑鬻者屬于道俞子曉園以爲大戚施觀千餘地百畝聚遺骸而掩諸幽望之巽然高下不及泉上不泄臭穢而臨如旅人咸羣得安宅焉鄉里感之有司誼之朝廷旌之曉園亦仁矣哉曉園又來曰

余新安人也。買遷江寧。去住無恆。弗告。茲舉於邑。長慮有奪其界者。是爲善不竟也。請牒地若干輪于官。立精文善法。俾傳永永無極。吁。曉園非獨仁其智且足用也。余考春秋晉鄭之間有隙地曰玉暢頃邱。出戈錫子產與宋人盟曰勿有是及子產卒。宋人取錫遂尋干戈。又周禮墓大夫率其屬而巡墓。厲古人之于地界或盟或巡。猶有爭者。矧茲荒兆難徵于鬼。非曉園意思深長他日者且湮且紊。且侵削且銚萊。雜下窺伏。陵寤爲枯骨崇矣。欲世世萬子孫毋變。宜詳區界而勒諸石。凡核得塚長一百七十六弓。二尺寬一百三十四弓。其存爲捨。觀費者中有熟地廬舍。按年收子利四十餘緡。

江寧府題名碑記

代陶公作

守官如守舍。然前此居者不知幾何矣。後此居者不知幾何矣。其後此居者不可得而知也。其前此居者則遮。遮屏列如表之示。曰鼓之語耳。孔子曰三人行必有我師焉。善與不善疇非吾師。此古人官廨題名之所。山昉也。江寧攝七縣冠九府州。于古爲赤紫畿望之全。我朝聖人御世百四十年。勤民恤功尤重二千石之選課最者。擢之擢度者黜之久俸者召見之吏治蒸蒸光于古矣。子量移來淮。砥其耿之華。離俗之康。艾常琁琁在抱。慮蹈詩人胡顏之譏。欲景前躅以自範。而舊無名籍。文獻缺然。竊不自揆。謹考順治元年以來得四十五人。



書其姓氏爲之扁表嗟乎此四十五人者或久或暫或  
賢或不或騰而遷或墜而顛迹雖不同而要皆懷印與  
紱臨民帥吏先余而居此者也卽其在位之歲時以考  
其政治之得失思齊乎自省乎目及之而欽耳聞之而  
警豈徒作區區之甲乙簿同官錄觀哉昔尹鐸尹晉陽  
委上以爲師保魯共王畫先賢于壁以自勉二人有心  
先我而得後來之君子將有繼于斯舉亦將有感于斯  
言

漁隱小圃記

吾宗有賢曰漁洲居士居士有園曰漁隱小圃在楓橋之西袤廣百弓客之往來於吳會者可以泛杭而至去年予初遊日見有所謂無隱山房者傲山谷答長老之旨植桂甚繁足止軒者僅容二人膝語甚奧燕睇堂者長屨重簾可以張飲會賓甚恢宏列岫樓者遮迥穹隆靈岩諸峯甚曠其他館曰鳥催閣曰來鐘亭曰小衡山池曰戲荷率皆田峯紆流有厓屢晃漾之觀漁洲告予曰此外舅盤溪王氏之故居也沈文憲公與一時名流賦詩于此石刻尚存予聞之撫然蓋盤溪與予交文憲與予同年二人存時予尚不知有此園也夫世之以園

傳子孫者多矣。不逾時遭其毀棄。當時賓從或辟睨於  
顏垣。敗瓦間漁洲不獨能爲盤溪之園。增榮益觀。兼能  
使盤溪之故人補其從前未到之憾。此其才且賢爲何  
如。君子嘉夫園也。尤嘉夫居是園者也。惜予識盤溪晚  
識漁洲更晚。不獲與石上諸賢同時賦詩。又遠隔白門。  
未能屢至。心殊拳拳。然而園公地也。亦私舍也。夫已氏  
得之孰若吾友得之。吾友得之孰若吾宗得之。毛詩曰。  
豈無他人。不如我同姓。烟雲有知。必當相昵。文其顛末。  
非我而誰宜。漁洲作記之請嚴乎。如有急色耶。

記句容叟

舟過燕子磯泊古寺有叟訓數僧貌臞而古鬚髮墮落  
高吟所作詩齒缺不能音揖而問之曰叟其有道者歟  
曰余非有道者累於道者也詢其姓曰趙句容人母孕  
之卽不茹葷九歲齒決肉嘔遂絕之誓不娶年十九母  
亡慕茅山三洞爲神仙居絕欲得之仡然從三人而行  
裝糧趨洞所洞冥然無人倒卧作蛇行以進叟先入墮  
水幸淺無所傷二人者秉燭繼之蝙蝠啞啞萬數如大  
片黑雲來撲火火滅其一毒虺長三四尺狂走有聲三  
人苦畏聯衣帶行山根觸頂礙眉石乳雨下訖不得住  
又五六里得坦穴聞鐘磬鳴大喜奔之石罅水所爲望

如黑海昏霧杳。藐波浪大作不可窮也。鐙盡滅且飢爲是悞而止。從原徑返行且卧。迷無所復聞人聲如天外呼者。則三人之戚友具麥飯紙錢號於洞口也。牽以繩三人同上。見青天如得故物。人間已三晝夜矣。叟歸學茹氣呼噏法于三人中最爲長年。卒衰廢與他老人同。無所名一錢。乃教小僧旬食飲以卒。日自悔空然慕道。幾死穴中。嗣後有搯擊而道神仙者。以爲妄言非矣。

江寧訓導廳壁記

校官官最卑俸最薄廳廨最庫陋其長如是其貳可知  
江寧訓導署有廳三楹爲前明祠周忠節公所來官此  
者率儉盡脩集賓僚于其間非樂神人之禊居也姑舍  
是而無以爲居也曹君菽衣蒞茲未久邑之人興修學  
宮改祠周公于明德堂之右于是三楹廓然始爲君所  
有君庀治之平其斂陷增其桀桷於榮酒掃歷書前人  
姓氏而屬余爲記鐫兩石陷之壁間余按老子云與物  
且者其身不容言君子不可與物爲苟且也是以叔孫  
昭子所到雖一日必葺其牆屋曹君本名家子結髮束  
修儻然思有所建立使周祠不遷吾知君必佻期養力

別創禮堂以與諸生講習而况事與時偕先賢如有意以讓之哉雖然力不足而強爲者殆身不勉而旁求者勞校官所入甚微倘物土仍溝陳之無藝則功必難就又或出位越思求助于人人必掉罄之捉搦之功亦未必就曹君旣不肯薄其官視如傳舍而又未嘗旁呼將伯以修其廉卒之室苟完而道大適此一役也于以見天下無不可新之地無不可勉之官後之坐是廳者俱當健其決而賢其志也廳之前有榆甚古有竹甚冗有栢有柳甚稚有池甚窪濼將次第葺之各因其質以成其美則教士之法亦于是乎觀

江安糧道題名碑記

代陶公作

題名始于漢光和四年而官廨題名版惟唐始予守江寧仿唐人故事考前人姓氏而書之旋蒙天子恩擢江安糧道之職循例以書曷敢以後按國初劄授副使一員攝全省糧務順治五年改設糧道轄江安徽寧滁和等十府四州自後或裁或置或兼分巡或專督運或添設庫大使或運快並僉雖時時小更而要之擇米慎察吏廉督漕勤僉丁公四者具則監司之職盡焉唐劉晏爲轉運使見一水不通思荷鍤而先行見一粒不運思負米而先登有味乎其言實獲我心矣雖然那伯侯牧民事紛如供職大難糧道則漕糧一端而已中才循



循。愈。能。催。程。趨。限。輦。粟。京。師。本。朝。四。十。三。官。鮮。以。不。  
職。聞。就。其。中。只。周。櫟。園。王。樓。山。二。公。聲。稱。隆。隆。考。其。敷。  
施。了。無。他。異。可。知。人。能。重。官。官。不。能。重。人。嗟。乎。誰。無。名。  
姓。能。使。後。之。人。僕。指。及。之。而。愾。然。若。有。所。慕。此。其。故。豈。  
在。出。身。爵。里。之。間。乎。然。非。出。身。爵。里。則。其。人。亦。莫。得。而。  
詳。也。合。備。書。于。左。